



Tuzla, Fra Grge Martića br. 8.; Tel./fax: +387 35 369 401; web site: www.vladatk.kim.ba

Na osnovu člana 21. Zakona o dopunskim pravima branitelja i članova njihovih obitelji (prečišćeni tekst) ("Službene novine Tuzlanskog kantona", broj: 5/12 i 5/14), člana 14. Odluke o utvrđivanju uslova, kriterija i postupka za dodjelu stipendija braniteljima i članovima njihove porodice ("Službene novine Tuzlanskog kantona", broj: 17/13 i broj: 02-1-02-030350/14 od 30.12.2014. godine) i Odluke o terminu raspisivanja konkursa, broj: UP1-15/1-41-002882/15 od 02.02.2015. godine, Ministarstvo za boračka pitanja Tuzlanskog kantona objavljuje

## K O N K U R S

**za dodjelu stipendija redovnim studentima / studentima za vlastite potrebe dodiplomskog studija koji su pripadnici branilaca ili članovi njihove porodice Tuzlanskog kantona za studij u školskoj 2014/2015 godini**

### I Korisnici prava po ovom Konkursu

Pravo na dodjelu stipendija po ovom Konkursu imaju lica iz člana 21. Zakona o dopunskim pravima branitelja i članova njihovih porodica (prečišćeni tekst) ("Službene novine Tuzlanskog kantona", broj: 5/12 i 5/14 u daljem tekstu: Zakon), odnosno: dijete poginulog, umrlog i nestalog branioca, ratni vojni invalid, dobitnik ratnog priznanja i odlikovanja, demobilisani branilac, dijete ratnog vojnog invalida, dijete dobitnika ratnog priznanja i odlikovanja i dijete demobilisanog branioca (u daljem tekstu: kandidat) ukoliko imaju status redovnog studenta / studenta za vlastite potrebe dodiplomskog studija.

### II Uslov za dodjelu stipendija

- (1) Pravo na dodjelu stipendije po ovom Konkursu **ima** kandidat pod uslovom da:
  - a) ima prijavljeno mjesto prebivališta na području Kantona, odnosno mjesto boravišta u statusu raseljene osobe na području Kantona,
  - b) je prije ostvarenog povratka u predratno mjesto prebivališta imao status raseljene osobe na području Kantona,
  - c) je u tekućoj godini prvi put upisao određenu studijsku godinu i
  - d) je redovan student visokoškolske ustanove dodiplomskog studija.
- (2) Pravo na dodjelu stipendije po ovom Konkursu **nema** kandidat koji :
  - a) studira na visokoškolskoj ustanovi u inozemstvu,
  - b) ima status studenta-apsolventa,
  - c) je korisnik subvencije za smještaj i ishranu u studentskom domu,
  - d) je u tekućoj studijskoj godini, na istom ili drugom fakultetu ponovo upisao istu godinu studija,
  - e) već prima stipendiju po drugom osnovu,
  - f) živi u porodičnom domaćinstvu gdje se ostvaruju mjesečna novčana primanja po članu domaćinstva veća od 50,1% prosječne neto plaće ostvarene u Tuzlanskom kantonu, u prethodnoj godini prema podacima Zavoda za statistiku Federacije Bosne i Hercegovine i
  - g) je u prethodnom školovanju imao prosjek ocjena ispod 3,5.
- (3) U slučaju da se naknadno utvrdi postojanje drugačijih činjenica iz stava (2) ove tačke, kandidat se eliminiše iz daljnjeg postupka dodjele stipendije, a isplata već odobrene stipendije se obustavlja.

### III Kriteriji za dodjelu stipendija

- (1) Lista kandidata se utvrđuje na osnovu ostvarenog broja bodova utvrđenog po osnovu sljedećih kriterija:
  - a) ostvarenog uspjeha u prethodno završenoj studijskoj godini,
  - b) imovinskog cenzusa,
  - c) branilačkog statusa,
  - d) ratnih priznanja i odlikovanja,
  - e) zdravstvenog stanja i
  - f) osvojenih nagrada i plaketa.
- (2) Kandidat sa prosjekom ocjena iznad 9.00, odnosno sa prosjekom ocjena 5,00 ukoliko upisuje prvi godinu fakulteta, uvrstit će se na listu kandidata bez utvrđivanja bodova po kriterijima iz stava (1) ove tačke.

(3) Pod prosjekom ocjena iz stava (2) ove tačke podrazumijeva se ukupan prosjek ocjena koji kandidat mora imati u toku studiranja na visokoškolskoj ustanovi koju pohađa, a u slučaju upisa prve godine fakulteta pod prosjekom se podrazumijevaju ocjene kandidata, u prethodne četiri godine redovnog školovanja.

#### **IV Prioritet za dodjelu stipendija**

Ukoliko na listi dva ili više kandidata imaju isti ukupan broj bodova, prednost po navedenom redosljedju ima:

- a) dijete poginulog, umrlog, nestalog branioca bez oba roditelja,
- b) student RVI sa većim procentom invaliditeta,
- c) student iz porodice RVI sa većim procentom invaliditeta,
- d) student dobitnik većeg ratnog priznanja i odlikovanja,
- e) student iz porodice dobitnika većeg ratnog priznanja i odlikovanja,
- f) student za vlastite potrebe,
- g) student sa većim prosjekom ocjena,
- h) student lošijeg materijalnog položaja,
- i) student DB Armije BiH, HVO i MUP-a sa dužim stažom učešća u OS i
- j) student iz porodice DB Armije BiH, HVO i MUP a sa dužim stažom učešća roditelja u OS.

#### **V Prava i obaveze kandidata i način isplate sredstava**

(1) Kandidat koji je ostvario pravo na stipendiju, obavezan je sa Ministarstvom zaključiti Ugovor o stipendiranju, u roku od 30 dana od dana isticanja Konačne liste na oglasnoj ploči Ministarstva i nadležnih službi. Kandidat koji u navedenom roku ne potpiše ugovor, smatrat će se da je odustao od stipendije.

(2) Kandidat gubi pravo na dalju isplatu, ako u toku studijske godine:

- a) bude upućen na izdržavanje kazne zatvora u trajanju dužem od tri mjeseca,
- b) bude mu izrečena disciplinska mjera isključenja sa Univerziteta,
- c) redovno ne upiše semestar, a što se dokazuje uvjerenjem i
- d) po nekom drugom osnovu prestane mu status redovnog studenta.

(3) Kandidat iz prethodnog stava dužan je vratiti primljeni iznos stipendija od dana upućivanja na izdržavanje kazne zatvora u trajanju dužem od tri mjeseca, odnosno izricanja disciplinske mjere isključenja sa Univerziteta i prestanka statusa redovnog studenta.

(4) Kandidatu će biti obustavljena isplata stipendije uz obavezu vraćanja do tada primljene stipendije ako:

- a) prima stipendiju od drugog davaoca stipendije, od dana početka primanja stipendije drugog davaoca,
- b) se naknadno utvrdi da su prilikom prijave na konkurs od strane kandidata iznesene netačne činjenice (materijalno stanje kandidata i članova obitelji, izjava da ne prima stipendiju/kredit iz drugog izvora, i dr).

(5) Stipendija se isplaćuje u ratama, ovisno od priliva sredstava u Budžet Tuzlanskog kantona.

(6) Isplata stipendije se vrši putem štedne knjižice ili računa kandidata otvorenog kod banke, nakon usvajanja Budžeta Tuzlanskog kantona i donošenja odgovarajućih Programa.

(7) Stipendije su nepovratne, ukoliko kandidat redovno ispunjavaju svoje obaveze.

#### **VI Potrebna dokumentacija**

(1) Uz jednoobrazni zahtjev na konkurs kandidat prilaže i sljedeću dokumentaciju, kako slijedi:

##### **Popis potrebne dokumentacije uz zahtjev za dodjelu stipendija braniocima i članovima njihovih obitelji**

Redni broj:	Naziv dokumenta	Organ koji izdaje dokument
1.	kućna lista kandidata u kojoj su navedeni svi članovi porodičnog domaćinstva, ( <i>original ili ovjerena fotokopija</i> ),	Općinska služba za opću upravu i društvene djelatnosti
2.	a) za članove PŠ-PB i RVI kopija prvostepenog ili revizionog rješenja (poslednje rješenje na snazi), b) za dobitnika ratnog priznanja i odlikovanja i dijete dobitnika ratnog priznanja i odlikovanja, ukoliko nema status člana porodice šehida, poginulog, umrlog i nestalog branioca ili RVI ovjerena fotokopija rješenja o ostvarivanju prava na mjesečni novčani dodatak, c) za DB i dijete DB dokaz o pripadnosti branilačkoj populaciji koji izdaje nadležni organ odbrane, <i>dokumenti pod a), b) ili c) moraju biti dostavljeni kao original ili ovjerena fotokopija</i>	Općinska služba za branilačko invalidsku zaštitu  Odjeljenje odbrane
3.	dokaz o priznanjima u OS BiH ( <i>original ili ovjerena fotokopija</i> ),	Odjeljenje odbrane ili organ koji je izdao priznanje
4.	dokaz o zaposlenju svih punoljetnih članova domaćinstva i visini stalnih izvora prihoda ( tri poslednje platne liste potpisane i ovjerene od poslodavca i/ili ček od PIO penzije) ( <i>original ili ovjerena fotokopija</i> ),	Organ /ustanova/preduzeće gdje je kandidat zaposlen ili Poslovnica PIO /MIO
5.	uvjerenje iz porezne uprave za sve nezaposlene članove domaćinstva kao dokaz o statusu nezaposlenosti, ( <i>original ili ovjerena fotokopija</i> ),	Porezna uprava FBiH Ispostave porezne uprave
6.	uvjerenje iz porezne uprave za kandidata i punoljetne članove domaćinstva <u>o dodatnim prihodima</u> ( <i>original ili ovjerena fotokopija</i> ),	Porezna uprava FBiH Ispostave porezne uprave

7.	uvjerenje o redovnom studiju sa utvrđenim prosjekom ocjena u prethodno završenoj studijskoj godini, a u slučaju upisa prve godine fakulteta prosjek ocjena iz prethodne četiri godine redovnog školovanja ( <i>original ili ovjerena fotokopija</i> ),	Ustanove visokog obrazovanja
8.	dokaz o osvojenim nagradama i priznanjima u školskim i nastavnim aktivnostima ( <i>ovjerena fotokopija</i> ),	Obrazovne ustanove
9.	ovjeren dokaz o nekorištenju prava na subvencioniranje troškova smještaja i ishrane u studentskom domu ( <i>original ili ovjerena fotokopija</i> ), za studente koji studiraju na području drugih kantona, a za studente koji studiraju na području Tuzlanskog kantona, navedeni dokaz će se pribaviti službenim putem,	Ustanove za smještaj studenata (domovi)
10.	uvjerenje o redovnom školovanju/studiranju, ( <i>original ili ovjerena fotokopija</i> ) u slučaju da se iz jedne porodice istovremeno redovno školuje više od jednog studenta/učenika,	Ustanove visokog /srednjeg obrazovanja
11.	izjava da kandidat ne prima stipendiju po drugom osnovu ovjerenu od strane nadležnog općinskog organa uprave ili notara ( <i>original ili ovjerena fotokopija</i> ),	Nadležna općinska služba ili notar
12.	dokaz o zdravstvenom stanju kandidata ili člana domaćinstva izdat od strane ovlaštene zdravstvene ustanove i stručnog tima - konzilijuma, <i>ne stariji od šest mjeseci</i> samo za sledeća oboljenja: <i>respiratorne bolesti</i> ( bolesti pluća praćene trajnim oštećenjem respiratorne funkcije (sa vrijednostima FVC, FEV1 I FEV1- FVC ispod 40%, apsces pluća i medij astinuma, piotorax i respiratorni distres sindrom); <i>bolesti koštano - mišićnog sistema i vezivnog tkiva</i> (direktna infekcija zglobova kod infektivnih i parazitskih oboljenja, seropozitivni reumativni aritis kada je bolesnik nesposoban za bilo kakve aktivnosti ili vezan za postelju i invalidska kolica, ankilozirajući spondilitis, protruzija intervertebralnog diskusa praćene komplikacijama (težim funkcionalnim oštećenjem nerava, mišića, popuštanjem sfinktera) zahtijevaju intezivan i dugotrajan tretman, kao i bolesti koje uzrokuju ozbiljne funkcionalne smetnje i lokomotornog aparata, vežu bolesnika za postelju i trajno ga onemogućavaju u svakodnevnim radnim aktivnostima); <i>neuromišićne bolesti</i> (progresivna neuromišićna oboljenja, multipla skleroza, mijastenija gravis, epilepsija nekontrolisana ili rezistentna na terapiju i nezarazni encefalitis i encefalomijalitis); <i>specifična stanja koja zahtijevaju skupi i doživotni tretman</i> (transplantacije organa, transplantacija koštane srži, stanja poslije operativnih zahvata na srcu, mozgu i plućima koja zahtijeva duže bolničko liječenje, rehabilitaciju i intenzivni medikamentozni tretman) i <i>ostala oboljenja</i> (infarkt (srčani ili moždani), maligni tumori) ( <i>original ili ovjerena fotokopija</i> ).	JZU UKC

**(2) Udove koje pravo na PIO/MIO koriste kao staratelji djece, pored čeka PIO/MIO obavezne su dostaviti i dokaz o radno pravnom statusu-kumulativno ( tačka 4. i 5.)**

**(3) Uz dokumentaciju prilaže se i fotokopija žiro računa ili štednje knjižice, otvorene kod poslovne banke, na ime studenta kao korisnika stipendije.**

**Popis potrebne dokumentacije uz zahtjev za dodjelu stipendija iz reda branilaca i članova njihovih obitelji**

### **IZUZETNO USPJEŠNIM STUDENTIMA**

Redni broj:	Naziv dokumenta	Organ koji izdaje dokument
1.	kućna lista kandidata u kojoj su navedeni svi članovi porodičnog domaćinstva, ( <i>original ili ovjerena fotokopija</i> ),	Nadležna općinska služba
2.	a) za članove PŠ-PB i RVI ovjerena fotokopija prvostepenog ili revizionog rješenja (poslednje rješenje na snazi), b) za dobitnika ratnog priznanja i odlikovanja i dijete dobitnika najvišeg ratnog priznanja i odlikovanja, ukoliko nema status člana porodice šehida, poginulog, umrlog i nestalog branioca ili RVI ovjerena fotokopija rješenja o ostvarivanju prava na mjesečni novčani dodatak, c) za DB i dijete DB dokaz o pripadnosti branilačkoj populaciji koji izdaje nadležni organ odbrane, <i>dokumenti pod a), b) ili c) moraju biti dostavljeni kao original ili ovjerena fotokopija</i>	Općinska služba za branilačko invalidsku zaštitu  Odjeljenje odbrane
3.	u slučaju upisa prve godine fakulteta prosjek ocjena iz prethodne četiri godine redovnog školovanja i uvjerenje o redovnom studiranju, ( <i>original ili ovjerena fotokopija</i> ),	Ustanove srednjeg obrazovanja i Ustanove visokog obrazovanja
4.	uvjerenje o redovnom studiju sa utvrđenim prosjekom ocjena u svim prethodno završenim godinama studiranja ( <i>original ili ovjerena fotokopija</i> ),	Ustanove visokog obrazovanja
5.	dokaz o zaposlenju svih punoljetnih članova domaćinstva i visini stalnih izvora prihoda (tri poslednje platne liste potpisane i ovjerene od poslodavca i/ili ček od PIO penzije) ( <i>original ili ovjerena fotokopija</i> ),	Organ /ustanova/preduzeće gdje je kandidat zaposlen ili Poslovnica PIO /MIO
6.	uvjerenje iz porezne uprave za kandidata i punoljetne članove domaćinstva <u>o dodatnim prihodima</u> ( <i>original ili ovjerena fotokopija</i> ),	Porezna uprava FBiH Ispostave porezne uprave
7.	uvjerenje iz porezne uprave za sve nezaposlene članove domaćinstva kao dokaz o statusu nezaposlenosti, ( <i>original ili ovjerena fotokopija</i> ),	Porezna uprava FBiH Ispostave porezne uprave
8.	izjava da kandidat ne prima stipendiju po drugom osnovu ovjerenu od strane nadležnog općinskog organa uprave ili notara ( <i>original ili ovjerena fotokopija</i> ),	Nadležna općinska služba ili notar
9.	ovjeren dokaz o nekorištenju prava na subvencioniranje troškova smještaja i ishrane u studentskom domu ( <i>original ili ovjerena fotokopija</i> ), za studente koji studiraju na području drugih kantona, a za studente koji studiraju na području Tuzlanskog kantona, navedeni dokaz će se pribaviti službenim putem.	Ustanove za smještaj studenata (domovi)

**(4) Udove koje pravo na PIO/MIO koriste kao staratelji djece, pored čeka PIO/MIO obavezne su dostaviti i dokaz o radno pravnom statusu-kumulativno (tačka 5. i 7.)**

**(5) Uz dokumentaciju prilaže se i fotokopija žiro računa ili štednje knjižice, otvorene kod poslovne banke, na ime studenta kao korisnika stipendije.**

**VII Rokovi za podnošenje zahtjeva**

- (1) Konkurs se objavljuje u dnevnim novinama i na zvaničnoj web stranici Vlade Kantona.
  - (2) Rok za podnošenje prijava po ovom Konkursu je 15 dana od dana objavljivanja u dnevnim novinama.
  - (3) Činjenice i dokazi iz dostavljenih prijava uzimaju se u razmatranje onakve kakve su postojale u momentu – danu zaključenja Konkursa.
  - (4) Popunjeni jednoobrazni zahtjev, sa potrebnom dokumentacijom, podnosi se u zapečaćenoj koverti putem pošte ili na pisarnicu Zajedničkih službi kantonalnih organa na adresu: Tuzlanski kanton, Ministarstvo za boračka pitanja Tuzlanskog kantona, Rudarska broj: 57., 75 000 Tuzla,[sa naznakom] “Prijava na Konkurs za dodjelu stipendija redovnim studentima / studentima za vlastite potrebe koji su pripadnici branilaca ili članovi njihove porodice Tuzlanskog kantona za studij u školskoj 2014/2015 godini“.
  - (5) Obrazac zahtjeva, spisak potrebne dokumentacije i izjavu zainteresovan kandidat može preuzeti:
    - sa web stranice Vlade Tuzlanskog kantona,
    - u općinskoj službi za branilačko invalidsku zaštitu i
    - u kantonalnim branilačkim savezima i udruženjima.
- Nepotpuni i neblagovremeni zahtjevi neće se razmatrati.

**MINISTARSTVO ZA BORAČKA PITANJA**